

ქ. თბილისი

28 მაისი 2014 წ.

ერთი მხრივ, სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი“ (შემდგომში „შემსყიდველი“), წარმოდგენილი მისი გენერალური დირექტორის, ამირან გამყრელიძის, სახით და მეორე მხრივ, ა(ა)იპ „ზიანის შემცირების საქართველოს ქსელი“, (შემდგომში „მიმწოდებელი“) წარმოდგენილი მისი აღმასრულებელი დირექტორის, ლაშა ზაალიშვილის სახით, ვაფორმებთ წინამდებარე ხელშეკრულებას შემდეგზე:

### ხელშეკრულების საგანი

შემსყიდველმა განახორციელა გამარტივებული შესყიდვა, (საქართველოს მთავრობის განკარგულება №741, 2014 წლის 30 აპრილი) „აივ ინფექციის/შიდსის, ტუბერკულოზისა და მალარიის წინააღმდეგ ბრძოლის გლობალური ფონდის“ (შემდგომში „გლობალური ფონდი“) პროგრამის „საქართველოში აივ/შიდსის პრევენციის მიზნით არსებული ეროვნული რეაგირების მხარდაჭერა, აივ/შიდსით დაავადებულთა სიცოცხლის მაჩვენებლების გაუმჯობესება მკურნალობისა და მოვლის ღონისძიებების გაძლიერების გზით“ (გრანტი: GEO-H-NCDC) (შემდგომში „პროგრამა“), პროექტის „ნარკოტიკების ინექციური გზით მომხმარებლებისათვის აივ პრევენციული სერვისების მიწოდება“ (obj. 2, act 2.1.1-2.1.11) (შემდგომში „პროექტი“) ფარგლებში სამედიცინო მომსახურების (CPV85100000) განსახორციელებლად.

### ხელშეკრულების ღირებულება

მიმწოდებელმა აიღო ვადებულება, ზემოთხსენებული მომსახურება განახორციელოს შემდეგ თანხაზე 1,573,323.00 (ერთი მილიონ ხუთასსამოცდაცამეტი ათას სამასოცდასამი) ლარი (შემდგომში „ხელშეკრულების ღირებულება“).

### წინამდებარე ხელშეკრულება ადასტურებს შემდეგს:

1. წინამდებარე ხელშეკრულება და ხელშეკრულების დანართები, რომლებიც ითვლება მის განუყოფელ ნაწილად, ერთად ქმნის მოცემულ ხელშეკრულებას.
2. ზემოაღნიშნულ დოკუმენტებში დაფიქსირებული ყველა მონაცემი, პარამეტრი, ვადები, ტექნიკური და სხვა პირობები, მათ შორის, მხარეთა პასუხისმგებლობის ფორმები წარმოადგენს ამ ხელშეკრულების პირობებს.
3. მიმწოდებელი იღებს ვალდებულებას განახორციელოს მომსახურება ხელშეკრულების პირობების შესაბამისად.



6 მ/პ/პ

4. შემსყიდველი იღებს ვალდებულებას დააფინანსოს მიმწოდებელი პროგრამის ბიუჯეტით გათვალისწინებული შესაბამისი ხარჯებით და შეიძინოს ან/და სარგებლობის უფლებით მიმწოდებელს გადასცეს აქტივები ხელშეკრულების პირობების შესაბამისად.
5. ხელშეკრულების მოქმედების ვადა განისაზღვრება 2014 წლის 31 ოქტომბრის ჩათვლით, ან ტენდერში გამოვლენილი გამარჯვებულის მიერ შესაბამისი მომსახურების დაწყების თარიღამდე.

“შემსყიდველი”

სსიპ “ლ. საყვარელიძის სახ. დაავადებათა კოტროლისა და საზოგადოებრივი ჯანმრთელობის ეროვნული ცენტრი”

მისამართი:

ქ.თბილისი, ასათიანის ქ. № 9  
 ს/კ – 211324351  
 ბ/კ – სახელმწიფო ხაზინა TRESGE22  
 ა/ა – GE24NB0330100200165022

ამირან გამყრელიძე  
 გენერალური დირექტორი

ბ.ა.



“მიმწოდებელი”

ა(ა)იპ “ზიანის შემცირების საქართველოს ქსელი”

მისამართი:

ქ. თბილისი, ნუცუბიძის 1 მ/რ, კორპუსი 7, ბინა 28

ფაქტიური: თბილისი, პეკინის ქ. 2, ბ 19

ს/კ – 205176780

სს “საქართველოს ბანკი”

ბ/კ - BAGAGE22

ა/ა – GE19BG0000000270558300

ლამა ზაალიშვილი  
 აღმასრულებელი დირექტორი

ბ.ა.



## ხელშეკრულების პირობები

### 1. მხარეთა ვალდებულებები

#### 1.1. მიმწოდებელი ვალდებულია:

- 1.1.1 განახორციელოს პროგრამით გათვალისწინებული ღონისძიებები ხარისხიანად და გეგმა-გრაფიკის (დანართი №8) შესაბამისად;
- 1.1.2 ფლობდეს წინამდებარე ხელშეკრულებით გათვალისწინებული ანგარიშსწორებისთვის ცალკე საბანკო ანგარიშს კომერციულ ბანკში, რომელიც სრულად აკმაყოფილებს ყველა მოქმედ ადგილობრივ და საერთაშორისო საბანკო სტანდარტებს და მარეგულირებელ ნორმებს, მათ შორის კაპიტალის ადეკვატურობის მოთხოვნებს;
- 1.1.3 აწარმოოს (და უზრუნველყოს, რომ ქვეკონტრაქტორმა აწარმოოს) საბუღალტრო აღრიცხვა (ჩანაწერები, დოკუმენტები და სხვა), რომელშიც დეტალურად ასახულ იქნება პროგრამასთან და მის განხორციელებასთან დაკავშირებით წარმოქმნილი ყველა დანახარჯი და შემოსავალი. პროგრამასთან დაკავშირებული დოკუმენტაცია უნდა ინახებოდეს მიმწოდებელთან (ასევე ქვეკონტრაქტორებთან), ბოლო გადახდის თარიღიდან სულ მცირე შვიდი წლის განმავლობაში, ან უფრო მეტი ხნის განმავლობაში, რომელიც საჭირო იქნება ნებისმიერი პრეტენზიის ან აუდიტის შედეგად გამოვლენილი შედეგების გამოსასწორებლად, ან თუ ამას მოითხოვს გლობალური ფონდი ან შემსყიდველი;
- 1.1.4 შემსყიდველის მოთხოვნით წარმოადგინოს მომსახურების გასაწევად შესაძენი აქტივების (დანართი N5) დაზუსტებული რაოდენობები და ტექნიკური მახასიათებლები;
- 1.1.5 პროგრამის პირველი ფაზის განხორციელების პერიოდში შექმნილი და ა(ა)იპ „გლობალური პროექტების განმახორციელებელ ცენტრსა“ და პროგრამის განმახორციელებელს შორის ურთიერთშედარებით აღიარებული 2014 წლის 01 აპრილისათვის რიცხული პროგრამის აქტივებისა და შემსყიდველისგან მიღება-ჩაბარების აქტის საფუძველზე მიღებული (დანართები NN 4-1, 4-2 და 5) საქონლის (ძირითადი აქტივები, მატერიალური მარაგები, ფარმაცევტული პროდუქტები, სახარჯი მასალა და სხვა) დაცვა/უსაფრთხოება, გასწიოს მათი მოვლისთვის/ექსპლუატაციისთვის საჭირო გონივრული ხარჯები და უზრუნველყოს აქტივების საექსპლუატაციო პირობების სრული დაცვა, იქონიოს (და უზრუნველყოს, რომ ქვე-კონტრაქტორებმა იქონიონ) ხელშეკრულების ფარგლებში გადაცემული ყველა სახარჯი მასალის ხარჯვის ჩანაწერები. წელიწადში ერთხელ განახორციელოს შემსყიდველის მიერ დროებით სარგებლობაში გადაცემული ფინანსური აქტივების ინვენტარიზაცია და წარუდინოს ინფორმაცია შესყიდველს დანართი N4-ის შესაბამისად;
- 1.1.6 არაადეკვატური ექსპლუატაციით და/ან დაკარგვით მიყენებული ზიანის შემთხვევაში, აუნაზღაუროს შემსყიდველს მიყენებული მატერიალური ზარალი;
- 1.1.7 გამოიყენოს აქტივები მხოლოდ წინამდებარე ხელშეკრულებით განსაზღვრული მიზნებისათვის;
- 1.1.8 უზრუნველყოს წინამდებარე ხელშეკრულების ფარგლებში შესყიდული საქონლის ეფექტური და უსაფრთხო ლოჯისტიკა მიწოდების ჯაჭვის ნებისმიერ ეტაპზე;
- 1.1.9 დროულად აცნობოს შემსყიდველს ნებისმიერი ნაკლი ან/და ხარვეზი, რომელიც გამომყდენდება აქტივების ადეკვატური ექსპლუატაციის შედეგად. იმ შემთხვევაში, თუ მიმწოდებელი შეგნებულად არ უმხელს შემსყიდველს აქტივების შექმნილ ნაკლს ან/და ხარვეზს, მაშინ მიმწოდებელი ვალდებულია სრულად აუნაზღაუროს შემსყიდველს მიყენებული ზარალი;

- 1.1.10 პასუხისმგებელია წინამდებარე ხელშეკრულების ფარგლებში შესყიდული ნებისმიერი საქონლის (მათ შორის, ქვეკონტრაქტორისთვის გადაცემული) დაკარგვაზე ან დაზიანებაზე. დაკარგვის ან დაზიანებისთანავე მიმწოდებელმა უნდა უზრუნველყოს ასეთი საქონელის შეცვლა საკუთარი ხარჯით;
- 1.1.11 არ გადასცეს აქტივები მესამე პირს, გარდა იმ ქვეკონტრაქტორებისა, რომლებიც განსაზღვრულია წინამდებარე ხელშეკრულებით, და რომელთანაც ურთიერთობები რეგულირდება წინამდებარე ხელშეკრულების მე-11 მუხლით;
- 1.1.12 ხელშეკრულების ვადის გასვლის შემდეგ, ხელშეკრულების ვადამდე შეწყვეტის, ასევე შემსყიდველის მოთხოვნის შემთხვევაში, წერილობითი შეტყობინების მიღებიდან არაუგვიანეს 1 (ერთი) თვის ვადაში ვადაში, უპირობოდ დაუბრუნოს შემსყიდველს დროებით სარგებლობაში გადაცემული აქტივები და გაუხარჯავი სახარჯი მასალა. აქტივები უნდა დააბრუნოს ტექნიკურად გამართულ მდგომარეობაში, რაზედაც უნდა გაფორმდეს აქტივების დაბრუნების მიღება-ჩაბარების აქტი;
- 1.1.13 ამ პუნქტის 1.1.12. ქვეპუნქტით განსაზღვრულ შემთხვევაში ქონების დაბრუნება (ტრანსპორტირება და თანმდევი ხარჯები) განხორციელდება ქონების მესაკუთრის გადაწყვეტილების შესაბამისად.
- 1.1.14 მიიღოს ზომები, რათა არ დაუშვას ხელშეკრულების საფუძველზე მიღებული თანხების, ან აქტივების გამოყენება ძალადობის და/ან ტერორიზმის მიზნებისთვის ან ფულის გათეთრების საქმიანობების მხარდასაჭერად, და/ან იმ ორგანიზაციების მხარდასაჭერად, რომლებიც მხილებულნი არიან ტერორიზმის ან ფულის გათეთრების საქმიანობაში.
- 1.1.15 მიმწოდებელი ვალდებულია დაიცვას გლობალური ფონდის (დონორის მიერ პერიოდულად განახლებადი და გლობალური ფონდის ვებ. გვერდზე <http://www.theglobalfund.org/en/library/guidelinestools/> განთავსებული) „ქვევის კოდექსი გლობალური ფონდის სახსრების რეციპიენტებისთვის“ და უზრუნველყოს მისი გაცნობა ქვეკონტრაქტორებისთვის;
- 1.1.16 მიმწოდებელი ვალდებულია იხელმძღვანელოს და დაიცვას „აივ ინფექციის/შიდსის, ტუბერკულოზისა და მალარიის წინააღმდეგ ბრძოლის გლობალური ფონდის“ მიერ დაფინანსებული პროგრამის („საქართველოში აივ/შიდსის პრევენციის მიზნით არსებული ეროვნული რეაგირების მხარდაჭერა, აივ/შიდსით დაავადებულთა სიცოცხლის მაჩვენებლების გაუმჯობესება მკურნალობისა და მოვლის ღონისძიებების გაძლიერების გზით“) საგრანტო ხელშეკრულების (გრანტი: GEO-H-NCDC) სტანდარტული პირობების შემდეგი პუნქტები: №№6, 8, 9, 11, 12, 13, 14, 16, 18, 19, 20, 21, 22.
- 1.1.17 ამ ხელშეკრულების პირველი პუნქტის 1.1.16 ქვეპუნქტში მითითებული საგრანტო ხელშეკრულების (გრანტი: GEO-H-NCDC) სტანდარტული პირობები თან ერთვის წინამდებარე ხელშეკრულებას და წარმოადგენს მის განუყოფელ ნაწილს (დანართი N 11).
- 1.1.18 მიმწოდებელმა უნდა უზრუნველყოს, რომ მან და მისმა ქვეკონტრაქტორებმა გლობალური ფონდის, მათ შორის გენერალური ინსპექტორატის წარმომადგენლებს და გლობალური ფონდის მიერ უფლებამოსილ მესამე მხარეს მისცენ შეუზღუდავი წვდომის უფლება შემდეგზე:
- (ა) წინამდებარე ხელშეკრულებასთან დაკავშირებული ნებისმიერი საბუღალტრო წიგნები, ჩანაწერები, დოკუმენტები და სხვა მტკიცებულებანი (ფინანსური და პროგრამული), რომელსაც მიმწოდებელი აწარმოებს პროგრამასთან დაკავშირებით; (ბ) მიმწოდებლის და ყველა

ქვეკონტრაქტორის შენობა-ნაგებობებში, სადაც პროგრამასთან დაკავშირებული საბუღალტრო წიგნები და ჩანაწერები ინახება და/ან პროგრამული ღონისძიებები ხორციელდება ან ხორციელდებოდა; (გ) მიმწოდებელმა უნდა უზრუნველყოს, რომ ყველა ქვეკონტრაქტორთან დადებული ხელშეკრულება შეიცავდეს ამ პუნქტში განსაზღვრულ შეუზღუდავი წვდომის უფლებას. შეუზღუდავი წვდომის უფლების დარღვევა განიხილება ამ ხელშეკრულების პირობების დარღვევად.

1.2. შემსყიდველი ვალდებულია:

- 1.2.1. წინამდებარე ხელშეკრულების შესაბამისად, უზრუნველყოს ადეკვატური და დროული ანგარიშსწორება.
- 1.2.2. უზრუნველყოს მიმწოდებელი ხელშეკრულებით გათვალისწინებული აქტივებით (დანართი N5);
- 1.2.3. წერილობით უზრუნველყოს მიმწოდებელის ინფორმირება გლობალური ფონდის პროგრამის ფარგლებში განსახორციელებელი ცვლილებების თაობაზე, ცვლილების განხორციელებამდე 10 (ათი) დღით ადრე. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლის გამოც წარმოიშვა აღნიშნული ცვლილებების განხორციელების აუცილებლობა.

**2. ხელშეკრულების შესრულების კონტროლი**

2.1 ხელშეკრულების შესრულების კონტროლს და პროგრამის მონიტორინგს ახორციელებს შემსყიდველის მიერ შექმნილი ინსპექტირებისა და მონიტორინგის ჯგუფი: ალექსანდრე ასათიანი - პროგრამის მონიტორინგისა და შეფასების სპეციალისტი, მარიამ ლორთქიფანიძე - ფინანსების სპეციალისტი, დავით მღებრიშვილი - შესყიდვების სპეციალისტი, ერეკლე მამუკელაშვილი - ლოჯისტიკის სპეციალისტი.

2.2 ინსპექტირება:

- ა) შესყიდვის ობიექტის შუალედური და საბოლოო მიღება-ჩაბარებისთვის შემსყიდველი განახორციელებს შესრულებული და მიმდინარე მომსახურების ინსპექტირებას;
- ბ) ინსპექტირება განხორციელდება ყოველთვიურად, მიმწოდებელის მიერ შემსყიდველისათვის წარდგენილი ანგარიშების/დოკუმენტაციის განხილვის საფუძველზე;
- გ) შემსყიდველი უფლებამოსილია სამუშაოების შესრულების პარალელურად მოახდინოს სამუშაოების შემოწმება გეგმა-გრაფიკის და ხარჯთაღრიცხვის შესაბამისად, რომლის მიზანია მათი შესაბამისობის დადგენა ხელშეკრულების პირობებთან;
- დ) ინსპექტირების ჯგუფის მიერ მომზადებული დასკვნის საფუძველზე მხარეთა შორის ფორმდება შუალედური ან/და საბოლოო მიღება-ჩაბარების აქტები.

2.3 მონიტორინგი:

- ა) მინიმუმ კვარტალში ერთხელ, პროგრამულ/ფინანსური ნაწილის მონიტორინგი ხორციელდება ადგილზე ვიზიტის საფუძველზე (როგორც მიმწოდებელთან, ასევე მის ქვეკონტრაქტორებთან);
- ბ) მონიტორინგის განმახორციელებელი ჯგუფი ვალდებულია წერილობით დააფიქსიროს და აცნობოს მიმწოდებელს მონიტორინგის შედეგები;
- გ) მიმწოდებელი ვალდებულია უმოკლეს ვადაში საკუთარი ხარჯებით უზრუნველყოს ინსპექტირების/მონიტორინგის შედეგად გამოვლენილი ყველა დეფექტის ან ნაკლის აღმოფხვრა, მათი არსებობის შემთხვევაში;

დ) მიმწოდებლის მიერ წარდგენილი ყველა დოკუმენტის დედანი (ხოლო ქვეკონტრაქტორებისგან მიღებული დოკუმენტაციის ასლი) სავალდებულოა ინახებოდეს მიმწოდებელთან (ქვეკონტრაქტორებთან უნდა ინახებოდეს მათ მიერ მიმწოდებლისთვის წარდგენილი დოკუმენტაციის დედანი) და მოთხოვნის შემთხვევაში წარედგინოს შემსყიდველს;

ე) პროგრამული ინდიკატორების (დანართი 9) შესრულების მონიტორინგის მიზნით მიმწოდებელი შემსყიდველს, მოთხოვნის შესაბამისად, წარუდგენს სათანადო ინფორმაციას.

2.4 შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე.

### 3 მომსახურების განხორციელების პირობები (გეგმა-გრაფიკი)

3.1 მომსახურების უწყვეტობის მიზნით, პროგრამა ხორციელდება 2014 წლის 1 აპრილიდან 2014 წლის 30 სექტემბრის ჩათვლით, შეთანხმებული გეგმა-გრაფიკის (დანართი №8) მიხედვით. დანართი N8 წარმოადგენს საორიენტაციო გეგმა-გრაფიკს, აუცილებლობის შემთხვევაში მხარეები ერთობლივად განიხილავენ გეგმა-გრაფიკის შესრულების საკითხებს.

### 4. დაზღვევა

4.1 მიმწოდებელმა გონივრულ ფასად უნდა უზრუნველყოს, შემსყიდველის სასარგებლოდ, პროგრამის განხორციელებისათვის გამოყენებული აქტივების დაზღვევა, ბიუჯეტით ამ დანიშნულებით გათვალისწინებული თანხების ფარგლებში, კარგი რეპუტაციის მქონე, სტაბილურ სადაზღვევო კომპანიებში. დაზღვევის არ არსებობის შემთხვევაში, გადაცემულ აქტივებზე სრული პასუხისმგებლობა ეკისრება მიმწოდებელს.

### 5. შესრულებული სამუშაოს მიღება-ჩაბარების წესი

5.1 მიმწოდებელი შემსყიდველს, დადგენილი ფორმით (დანართი N1 ა და ბ, დანართი N2), მომდევნო თვის 15 (თხუთმეტი) რიცხვამდე წარუდგენს ყოველთვიურ ანგარიშს ხელშეკრულების ფარგლებში განხორციელებული ღონისძიებების შესახებ, ოფიციალური წერილობითი ფორმით რომელსაც თან უნდა ახლდეს ხარჯების დამადასტურებელი პირველადი დოკუმენტაციის ასლები და ამონაწერი მომსახურე ბანკიდან. ანგარიში ქართულ ენაზე შემსყიდველს წარედგინება როგორც ნაბეჭდი, ასევე ელექტრონული ფორმით.

5.2 შესრულებული სამუშაოს პირველი თვის ანგარიშის წარმოდგენა მიმწოდებელმა წინამდებარე ხელშეკრულების 5.1. პუნქტის შესაბამისად უნდა უზრუნველყოს 2014 წლის პირველი აპრილიდან გაწეული მომსახურების გათვალისწინებით.

5.3 შემსყიდველი მიმწოდებლის მიერ წარმოდგენილ ყოველთვიურ ანგარიშს დადგენილი ფორმით (დანართი N1ა და ბ, დანართი N2), განიხილავს წარმოდგენიდან 10 კალენდარული დღის განმავლობაში.

5.4 შესრულებული სამუშაო მიღებულად ჩაითვლება ამ მუხლის 5.1 პუნქტის შესაბამისად წარმოდგენილი ანგარიშისა და წინამდებარე ხელშეკრულების 2.1 პუნქტით განსაზღვრული ინსპექტირების ჯგუფის მიერ მომზადებული დასკვნის საფუძველზე, ხელშეკრულების პირობებთან მისი შესაბამისობის დადასტურების შემდეგ, მიღება-ჩაბარების აქტის (დანართი N3) გაფორმებით;

5.5 შემსყიდველი უფლებამოსილია შეცვალოს ინფორმაციის წარმოდგენისა და ანგარიშების ფორმები, რის შესახებაც 30 დღით ადრე წერილობით უნდა აცნობოს მიმწოდებელს.

## 6. სტანდარტები

- 6.1 მიმწოდებელი ვალდებულია მომსახურების განხორციელებისას იხელმძღვანელოს საერთაშორისოდ აღიარებული და/ან ქვეყანაში მოქმედი სტანდარტებით;
- 6.2 მიმწოდებელი ვალდებულია შემსყიდველის მხრიდან შეტყობინების მიღებისთანავე განახორციელოს არაჯეროდ შესრულებული ღონისძიებების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე;
- 6.3 მიმწოდებელის მიერ, 6.2 მუხლით გათვალისწინებული ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები პროგრამის განხორციელებისას წარმოქმნილი ხარვეზების გამოსწორებისათვის და დააკავოს შესაბამისი ხარჯები ხელშეკრულების თანხიდან.

## 7. ხელშეკრულების ღირებულება

- 7.1 ხელშეკრულების ღირებულება შეადგენს **1,573,323.00 (ერთი მილიონ ხუთასსამოცდაცამეტი ათას სამასოცდასამი) ლარს**, რომლის პარამეტრები წარმოდგენილია დანართი N6-ში;
- 7.2 მიმწოდებელი, პროგრამით გათვალისწინებულ ღონისძიებების განხორციელებისას გამოიყენებს ხელშეკრულების 1.1.5 პუნქტში მითითებულ საქონელს. ამასთან, შემსყიდველი მიმწოდებელს დამატებით უზრუნველყოფს მომსახურების გასაწევად აუცილებელი საქონლით (დანართი N5), საერთო ზღვრული ღირებულებით **1,604,157.00 (ერთი მილიონ ექვსასოთხი ათას ასორმოცდაჩვიდმეტი) ლარი**. თუ შესყიდვის პროცესში მიმწოდებელის მიერ პროგრამის განსახორციელებლად აუცილებელი საქონლის ღირებულება აღემატება ზემოაღნიშნულ ზღვრულ თანხას ან საჭიროებს ცვლილებას, შემსყიდველი უფლებამოსილია მიმწოდებელთან შეთანხმებით შეიტანოს კორექტირება შესასყიდი საქონლის ჩამონათვალში/რაოდენობაში, რომელიც აღწერილია დანართ N5-ში. ამ შემთხვევაში განხორციელებული კორექტირება არ ჩაითვლება მიმწოდებელის მხრიდან ნაკისრი ვალდებულებების არშესრულების, ან არასრული მოცულობით შესრულების საფუძვლად;
- 7.3 ხელშეკრულების მოქმედების პერიოდში ხელშეკრულების ღირებულების შეცვლა დასაშვებია მხოლოდ აუცილებლობის შემთხვევაში პროგრამის მიზნებიდან გამომდინარე.
- 7.4 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 7.5 ცვლილების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია, წინამდებარე ხელშეკრულების მე-10 მუხლის შესაბამისად.

## 8. ანგარიშსწორების პირობები

- 8.1 ანგარიშსწორება განხორციელდება უნაღდო ანგარიშსწორებით, ეროვნულ ვალუტაში (ლარი).
- 8.2 მიმწოდებლის მიერ წინასწარი ანგარიშსწორების მოთხოვნის შემთხვევაში, შემსყიდველი უფლებამოსილია მოახდინოს წინასწარი ანგარიშსწორება, არაუმეტეს სახელშეკრულებო ღირებულების 20%-ის ოდენობით. ამასთან მიმწოდებელი ვალდებულია წარუდგინოს შემსყიდველს შესაბამისი თანხის იდენტიური ოდენობის საბანკო გარანტია;
- 8.3 საბანკო გარანტია უნდა შეიცავდეს გარანტიის გამცემის ვალდებულებას შემსყიდველის მიერ მიმწოდებლისთვის წინასწარ ავანსად გაცემული თანხის აღნიშნული ხელშეკრულების პირობების

შესრულებისგან განსხვავებული მიზნებისათვის გამოყენების ფაქტების გამოვლენის შემთხვევაში, შემსყიდველს მისი პირველივე მოთხოვნისთანავე გადაურიცხოს გარანტიით განსაზღვრული თანხა.

8.4 მიმწოდებლის მიერ წარმოდგენილი წინასწარი ანგარიშსწორების საბანკო გარანტიის მოქმედების ვადა 30 (ოცდაათი) დღით უნდა აღემატებოდეს ხელშეკრულების მოქმედების ვადას. იმ შემთხვევაში თუ წარმოდგენილი გარანტიის ვადა ნაკლებია ზემოაღნიშნულზე, მიმწოდებელი ვალდებულია გაახანგრძლივოს გარანტიის მოქმედების ვადა შემსყიდველის მოთხოვნისთანავე;

8.5 მიმწოდებლის მიერ ნაკისრი ვალდებულების შეუსრულებლობის შემთხვევაში საბანკო გარანტია გამოყენებული იქნება მიმწოდებლის მიერ შეუსრულებელი ვალდებულების ასანაზღაურებლად;

8.6 წინამდებარე ხელშეკრულების 8.2 პუნქტით გათვალისწინებული ვალდებულების შესრულების და მიმწოდებლის წერილობითი მოთხოვნის საფუძველზე (დანართი 2, ფორმა 4ა) შემსყიდველი არაუგვიანეს 10 (ათი) სამუშაო დღის ვადაში გადაურიცხავს მიმწოდებელს შესაბამისი ოდენობის თანხას;

8.7 ანგარიშსწორება განხორციელდება წინამდებარე ხელშეკრულების დანართი 3-ის შესაბამისად.

8.8. შემსყიდველის მიერ ყოველი მომდევნო გადარიცხვა განხორციელდება მიმწოდებლის მიერ გაწეულ მომსახურებაზე წერილობითი მოთხოვნის და ხელშეკრულების პირობების მე-5 მუხლით განსაზღვრული დოკუმენტების წარმოდგენის საფუძველზე, მიღება-ჩაბარების აქტის გაფორმებიდან არაუგვიანეს 5 (ხუთი) სამუშაო დღის განმავლობაში;

8.9 პროგრამის ბიუჯეტით გათვალისწინებული ღონისძიებების დაფინანსების გარდა თანხების სხვა მიზნით გამოყენება (თუნდაც დროის მცირე მონაკვეთში) დაუშვებელია. მკაცრად იკრძალება ნებისმიერი საშუალებით თანხების გადარიცხვა, გადახდა, გადაცემა ან კონვერტაცია:

ა) მესამე მხარესთვის, რომელიც უშუალოდ არ არის დაკავშირებული პროგრამის და ამ ხელშეკრულების განხორციელებასთან;

ბ) ღონისძიებებისთვის, რომლებიც პროგრამის უშუალო მხარდაჭერას არ უკავშირდება;

8.10 შემსყიდველი უფლებამოსილია მიმართოს ამ ხელშეკრულების შეწყვეტის ან შეზღუდვების გამოყენების უფლებას სახელშეკრულებო თანხების ნებისმიერი ტრანზაქციის შემთხვევაში, რომელიც ამ ხელშეკრულების 1.1.13 ან 8.9 მუხლების პირობების დარღვევით შესრულდება (შემდგომში „არასანქცირებული ტრანზაქცია“);

8.11 მიმწოდებელს ეკისრება სრული პასუხისმგებლობა, ფინანსური და სხვა, არასანქცირებული ტრანზაქციით გამოწვეულ ზარალზე, და უნდა აუნაზღაუროს შემსყიდველს არასანქცირებული ტრანზაქციით გამოწვეული ზარალის ან მიღებული შემოსავლის ოდენობა.

## 9. გადასახადები

9.1 მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახადების გადახდაზე.

## 10. ხელშეკრულებაში ცვლილებების შეტანა

10.1 შემსყიდველის მიერ შესაძლებელია ხელშეკრულებაში შეტანილ იქნას ცვლილებები „გლობალური ფონდის“ მოთხოვნების შესაბამისად;

10.2 თუ რაიმე წინასწარ გაუთვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს



მიმწოდებელს რაიმე მტკიცებულება იმ გარემოებებთან დაკავშირებით, რომელთა გამოც წარმოიშვა ხელშეკრულების პირობების შეცვლის აუცილებლობა;

10.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

#### 11. უფლებების გადაცემა

11.1 მიმწოდებელს არა აქვს უფლება მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი, გარდა ქვეკონტრაქტორისა.

#### 12. მიმწოდებელის („სუბრეციპიენტი“) ქვე კონტრაქტორი („სუბ-სუბრეციპიენტი“)

12.1 „სუბ-სუბრეციპიენტი“ ნიშნავს მიმწოდებლის ქვე-კონტრაქტორ იურიდიულ ან ფიზიკურ პირს, რომელიც უზრუნველყოფს წინამდებარე ხელშეკრულებით გათვალისწინებული კონკრეტული ღონისძიებების განხორციელებას;

12.2 ამ ხელშეკრულების ფარგლებში დასადები ყველა ხელშეკრულება მიმწოდებელსა და მის ქვე-კონტრაქტორს შორის უნდა გაფორმდეს წერილობითი სახით;

12.3 იმ შემთხვევაში, თუ ხელშეკრულების შესრულების პროცესში წარმოიშობა ახალ ქვე-კონტრაქტორთან ხელშეკრულების დადების და/ან ქვე-კონტრაქტორის შეცვლის აუცილებლობა, მიმწოდებელმა წინასწარ წერილობით უნდა აცნობოს შემსყიდველს ზემოაღნიშნულის შესახებ და მიიღოს მისგან წერილობითი თანხმობა;

12.4 ამ ხელშეკრულების ფარგლებში ქვე-კონტრაქტორთან დადებული ყველა ხელშეკრულების ასლი უნდა წარედგინოს შემსყიდველს;

12.5 ამ ხელშეკრულების ფარგლებში, ქვე-კონტრაქტორთან დადებული ხელშეკრულებით გათვალისწინებული ვალდებულების შეუსრულებლობა არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

#### 13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ უმოკლეს დროში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, აღნიშნული უნდა განხორციელდეს ხელშეკრულებაში ცვლილების შეტანის გზით.

#### 14. ხელშეკრულების პირობების შეუსრულებლობა

14.1 მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში, გარდა ფორს-მაჟორული პირობებისა, შემსყიდველი უფლებამოსილია გამოიყენოს ხელშეკრულების ამ პუნქტით გათვალისწინებული სანქციები;

14.2 ხელშეკრულებით გათვალისწინებული ვალდებულებების დარღვევის შემთხვევაში, შემსყიდველი მიმწოდებელს დააკისრებს პირგასამტეხლოს, ვალდებულების შესრულების ყოველ გადაცილებულ დღეზე საანგარიშო თვეში გაწეული მომსახურების ღირებულების 0.05%-ის ოდენობით.

14.3 მიმწოდებლის მხრიდან წინამდებარე ხელშეკრულების 8.9 პუნქტის პირობების შეუსრულებლობის შემთხვევაში, მიმწოდებლის მიერ გახარჯული თანხა არ ანაზღაურდება;

14.4 შემსყიდველის მიერ მიმწოდებლისათვის დაკისრებული პირგასამტეხლო არ შეიძლება გადახდილ იქნას წინამდებარე ხელშეკრულებით გათვალისწინებული თანხებიდან.

## 15. ხელშეკრულების შესრულების გარანტია

15.1. მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობით წარმოქმნილი რისკის თავიდან აცილების მიზნით, მიმწოდებელი ვალდებულია წარმოადგინოს ხელშეკრულების შესრულების გარანტიის ან დაზღვევის დოკუმენტი ხელშეკრულების ღირებულების 2%-ის ოდენობით;

15.2 ხელშეკრულების შესრულების უზრუნველყოფის საბანკო გარანტიის მოქმედების ვადა 30 (ოცდაათი) დღით უნდა აღემატებოდეს ხელშეკრულების მოქმედების ვადას. იმ შემთხვევაში თუ წარმოდგენილი გარანტიის ვადა ნაკლებია ზემოაღნიშნულზე, მიმწოდებელი ვალდებულია გაახანგრძლივოს გარანტიის მოქმედების ვადა შემსყიდველის მოთხოვნისთანავე;

15.3 ხელშეკრულების შესრულების გარანტია გამოიყენება ნებისმიერი ზარალის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო;

15.4 შემსყიდველის მიერ მიმწოდებლის მხრიდან ხელშეკრულების პირობების დარღვევის ფაქტის გამოვლენა და ამის შესახებ გარანტიის გამცემი ბანკის ინფორმირება წარმოადგენს ძირითად საფუძველს გარანტიის გამცემი ბანკის მიერ საბანკო გარანტიით განსაზღვრული თანხის უკან დასაბრუნებლად.

15.5 მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ შემსყიდველი დაუბრუნებს მიმწოდებელს ხელშეკრულების შესრულების უზრუნველყოფის გარანტიას.

15.6 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია მიმწოდებლის მოთხოვნისთანავე დაუბრუნებს მას ხელშეკრულების შესრულების უზრუნველყოფის გარანტიას.

## 16. ხელშეკრულების შეწყვეტა

16.1 შემსყიდველს მიმწოდებლისთვის წერილობითი შეტყობინების გაგზავნის საფუძველზე შეუძლია შეწყვიტოს ან შეაჩეროს წინამდებარე ხელშეკრულება მთლიანად ან ნაწილობრივ, თუ მისთვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას. ამ ხელშეკრულების ნებისმიერი ნაწილი, რომელიც არ შეწყდა ან შეჩერდა, ძალაში უნდა დარჩეს;

16.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

16.3 ხელშეკრულების შეწყვეტა ხელშეკრულების პირობების დარღვევის გამო არ ათავისუფლებს მხარეებს ხელშეკრულების შეუსრულებლობისათვის გათვალისწინებული პასუხისმგებლობისაგან.

## 17. ფორს-მაჟორი

17.1 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული რომელიმე მხარის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ღონორის დაფინანსების მკვეთრი შემცირებით ან შეწყვეტით და სხვა;

17.2 ხელშეკრულების პირობების ან რომელიმე მათგანის მოქმედების შეჩერება, ფორს-მაჟორული გარემოებების დადგომის გამო, არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს სანქციების გამოყენებას;

17.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

## 18. სადაო საკითხების გადაწყვეტა

18.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი მოლაპარაკებების გზით მოაგვარონ ნებისმიერი უთანხმოება და დავა წარმოქმნილი მათ შორის დადებული ხელშეკრულების ან მასთან დაკავშირებული საკითხების ირგვლივ;

18.2 თუ ასეთი მოლაპარაკების განმავლობაში მხარეები ვერ შესძლებენ სადაო საკითხების შეთანხმებას, მხარეებს დავის გადაწყვეტის მიზნით შეუძლიათ იმოქმედონ საქართველოს კანონმდებლობით დადგენილი წესით.

## 19. დამატებითი პირობები

19.1 აივ ინვექციის/შიდსის, ტუბერკულოზისა და მალარიის წინააღმდეგ ბრძოლის გლობალური ფონდი წარმოადგენს „ძირითადი საგრანტო ხელშეკრულების“ პირველი და მეორე ფაზების ფარგლებში შეძენილი საქონლის მესაკუთრეს;

19.2 გლობალური ფონდის თანხმობის შესაბამისად, მიმწოდებელი უფლებამოსილია გამოიყენოს გლობალურ ფონდთან გაფორმებული „ძირითადი საგრანტო ხელშეკრულების“ პირველი ფაზის ფარგლებში შეძენილი და მიმწოდებლისთვის დროებით სარგებლობაში გადაცემული საქონელი, წინამდებარე ხელშეკრულებით განსაზღვრული პროგრამის მიზნებისა და ამოცანების უწყვეტობის უზრუნველსაყოფად;

19.3 პროგრამის მიზნებიდან გამომდინარე, შემსყიდველი უფლებამოსილია მოსთხოვოს, ხოლო მიმწოდებელი ვალდებულია შემსყიდველს დაუბრუნოს პროგრამის ფარგლებში შეძენილი და გადაცემული ქონება და სხვა აქტივები.

## 20. აუდიტი

20.1 შემსყიდველი ხელშეკრულებით გათვალისწინებული ღონისძიებების შეფასების და შესაბამისი თანხების ხარჯვის კონტროლის მიზნით უფლებამოსილია განახორციელოს მიმწოდებლის და მისი ქვეკონტრაქტორის აუდიტი და/ან ფინანსური შემოწმება, სასამართლო აუდიტი ან შეფასება, ან განახორციელოს სხვა ქმედება, რომელსაც ის საჭიროდ მიიჩნევს პროგრამის მსვლელობის დროს;

20.2 მიმწოდებელი ვალდებულია შემსყიდველის მიერ შერჩეულ აუდიტორულ კომპანიას მიაწოდოს მისი საქმიანობისთვის საჭირო ინფორმაცია, დოკუმენტაცია, ხელი შეუწყოს საქმიანობაში და უზრუნველყოს შესაბამისი პირობებით, რათა მან წელიწადში ერთხელ განახორციელოს პროგრამის ფარგლებში შემსყიდველისგან მიღებული დაფინანსების და გაწეული დანახარჯების, შემსყიდველისგან მიღებული მატერიალური ფასეულობების და მარაგების ხარჯვის აუდიტი.

## 21 სხვა პირობები

21.1 ხელშეკრულება შედგენილია ქართულ ენაზე, 3 (სამი) ეგზემპლარად და თითოეულ მათგანს გააჩნია თანაბარი იურიდიული ძალა. ხელშეკრულების ორი ეგზემპლარი ინახება შემსყიდველთან, ერთი ეგზემპლარი მიმწოდებელთან;

21.2 ნებისმიერი ოფიციალური ურთიერთობა ხელშეკრულების დამდებ მხარეებს შორის გახორციელდება წერილობითი ფორმით ქართულ ენაზე.

21.3 მხარეები ხელმძღვანელობენ ურთიერთპატივისცემის პრინციპით და თანამშრომლობის გადრმავების სურვილით;

21.4 ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას;

21.5 მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია;

21.6 ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა. შ. თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება;

21.7 კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

ხელშეკრულების დანართები:

ხელშეკრულებას თან ახლავს დანართები, რომლებიც ხელშეკრულების განუყოფელი ნაწილია;

დანართი N1 ა (შესრულებული სამუშაოების სიტყვიერი ანგარიშის ფორმა);

დანართი N1 ბ (პროგრამული ინდიკატორების ანგარიშის ფორმა);

დანართი N2 (ფორმა N1 - ყოველთვიური ხარჯების ჩამონათვალი, ფორმა N2 - ფინანსური ანგარიში, ფორმა N3ა - სახარჯი მასალების აღრიცხვის ფორმა, ფორმა N3ბ - საწვავის ხარჯვის აღრიცხვის ფორმა, ფორმა N4ა - თანხის მოთხოვნა, ფორმა N4ბ - საწვავის მოთხოვნა, ფორმა N5 - ხარჯების ფინანსური აღრიცხვა კატეგორიების მიხედვით);

დანართი N3 (შესრულებული სამუშაოების მიღება-ჩაბარების აქტი);

დანართი N4 შემსყიდველის მიერ მომსახურების გასახორციელებლად მიმწოდებელზე დროებით სარგებლობაში გადაცემული აქტივების ინვენტარიზაცია;

დანართი №4-1 პროგრამის პირველი ფაზის პერიოდში შეძენილი და დროებით სარგებლობაში გადაცემული ძირითადი და მცირეფასიანი აქტივების ჩამონათვალი;

დანართი №4-2 პროგრამის პირველი ფაზის პერიოდში შეძენილი და დროებით სარგებლობაში გადაცემული მედიკამენტების, სახარჯი მასალების და საწვავის ჩამონათვალი;

დანართი N5 (შესასყიდი აქტივები);

დანართი N6 (პროგრამის ბიუჯეტი);

დანართი N7 გლობალური ფონდის გრანტი N GEO-H-NCDC მიხედვით შედგენილი პროექტი;

დანართი N8 პროგრამის განხორციელების გეგმა-გრაფიკი;

დანართი N9 პროგრამის შესრულების ჩარჩო (Performance Framework);

დანართი N10 ქვევის კოდექსი გლობალური ფონდის სახსრების რეციპიენტებისთვის. იხ.

<http://www.theglobalfund.org/en/library/guidelinestools/>

დანართი №11 საგრანტო ხელშეკრულების (გრანტი: GEO-H-NCDC) სტანდარტული პირობები.